



JADUAL KHUTBAH JUMAAT SIRI 12/2021
(Bulan Disember 2021M)

Bil.	Tajuk	Tarikh
1.	LEBURKAN TAKBUR	3 Disember 2021M/ 28 Rabi'ulakhir 1443H
2.	PERSONALITI MUKMIN BERJAYA	10 Disember 2021M/ 5 Jamadilawal 1443H
3.	SUCI HATI, BERSIH JIWA	17 Disember 2021M/ 12 Jamadilawal 1443H
4.	MERAIH KEBERKATAN HARTA	24 Disember 2021M/ 19 Jamadilawal 1443H
5.	GANJARAN BAGI MEREKA YANG SABAR	31 Disember 2021M/ 26 Jamadilawal 1443H

Percetakan dibiayai:



زكاة قولاو قينغ

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Sektor Pendidikan Islam,
Jabatan Pendidikan Negeri Pulau Pinang
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



GANJARAN BAGI ORANG YANG SABAR

(31 Disember 2021M/ 26 Jamadilawal 1443H)

الْحَمْدُ لِلَّهِ الَّذِي حَصَّ عَلَى الصَّبْرِ وَجَعَلَهُ مِفْتَاحًا لِأَسْمَى الْمَطَالِبِ،
وَأَعْظَمَ بِهِ لِلصَّابِرِينَ الْأَجْرَ وَأَنَا لَهُمْ أَسْنَى الرَّغَائِبِ.
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، الْمَلِكُ الْحَقُّ الْمُبِينُ،
وَأَشْهَدُ أَنَّ سَيِّدَنَا مُحَمَّدًا عَبْدَهُ وَرَسُولَهُ، الصَّادِقُ الْوَعْدِ الْأَمِينُ.
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ أَفْضَلِ الْمَخْلُوقِينَ، وَعَلَى آلِهِ وَأَصْحَابِهِ أَجْمَعِينَ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ! أَوْصِيَكُمْ وَإِيَّايَ بِتَقْوَى اللَّهِ، فَقَدْ فَازَ الْمُتَّقُونَ.

SIDANG JUMAAT YANG DIRAHMATI SEKALIAN,

Marilah kita sama-sama berusaha mentaati segala perintah Allah سُبْحَانَهُ وَتَعَالَى dan meninggalkan laranganNya, mudah-mudahan kita tergolong dalam golongan orang yang beriman dan beramal soleh.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab, iaitu tindakan yang memesongkan perhatian daripada mendengar khutbah dan isi kandungannya. Ini termasuklah perbuatan berbual-bual, tidur dengan sengaja dan bermain telefon bimbit.

Mimbar pada hari ini akan membicarakan khutbah yang bertajuk “**Ganjaran Bagi Orang Yang Sabar**”.

SIDANG JUMAAT YANG DIKASIHI ALLAH,

Sabar merupakan suatu sifat yang mulia di sisi Allah **سُبْحَانَهُ وَتَعَالَى**. Setiap daripada kita mempunyai ujian yang berbeza-beza dalam kehidupan. Namun, sifat sabar ini bukanlah suatu yang mudah untuk kita praktikkan. Rata-rata masih ada di antara kita yang masih mengeluh saat diuji. Setiap kesusahan hidup yang diberikan oleh Allah **سُبْحَانَهُ وَتَعَالَى** pastinya kerana Dia tahu yang kita mampu untuk menghadapinya. Berdasarkan Surah al-Baqarah ayat 286:

لَا يُكَلِّفُ اللَّهُ نَفْسًا إِلَّا وُسْعَهَا لَهَا مَا كَسَبَتْ وَعَلَيْهَا مَا اكْتَسَبَتْ...

Maksudnya: “Allah tidak membebani seseorang melainkan sesuai dengan kesanggupannya. Ia mendapat pahala (dari kebajikan) yang diusahakannya dan ia mendapat siksa (dari kejahatan) yang dikerjakannya”.

Allah juga memberi ganjaran yang besar kepada mereka yang sabar ketika diuji olehNya. Allah **سُبْحَانَهُ وَتَعَالَى** telah menyebut di dalam Surah al-Baqarah ayat 155:

وَلَنَبْلُوَنَّكُمْ بِشَيْءٍ مِّنَ الْخَوْفِ وَالْجُوعِ وَنَقْصٍ مِّنَ الْأَمْوَالِ وَالْأَنْفُسِ وَالثَّمَرَاتِ وَبَشِّرِ الصَّابِرِينَ ﴿١٥٥﴾

Maksudnya: “Dan sungguh akan Kami berikan cubaan kepadamu, dengan sedikit ketakutan, kelaparan, kekurangan harta, jiwa dan buah-buahan. Dan berikanlah berita gembira kepada orang-orang yang sabar”.

Ayat ini menegaskan bahawa setiap ujian yang Allah berikan kepada kita pastilah mempunyai hikmah di sebaliknya. Ujian yang diberikan adalah untuk meningkatkan keimanan dan ketakwaan kita sebagai seorang hamba. Mustahil bagi seseorang yang telah berjaya tidak melalui ujian-ujian dalam hidupnya terlebih dahulu. Dengan sifat sabarlah menjadikannya orang yang berjaya.

SIDANG JUMAAT YANG DIRAHMATI ALLAH SEKALIAN,

Sifat sabar dalam masyarakat sekarang ini amatlah penting. Ia dapat membenteng diri kita dari melakukan perkara-perkara yang dilarang dalam Islam. Sebagai contoh, dalam situasi pandemik Covid-19, ramai antara kita yang menghadapi kesulitan dari segi kewangan kerana dibuang kerja, dikurangkan gaji, perniagaan tidak beroperasi dan sebagainya. Jika sifat sabar tidak ditanam dalam diri maka perbuatan membunuh diri mungkin akan berlaku.

Sabar dapat mendidik diri menjadi lebih tenang dan sentiasa bersangka baik kepada Allah. Sebagai manusia biasa, pastilah kita mempunyai kesabaran yang terbatas, disebabkan itu orang yang sabar ketika diuji mendapat pahala yang berterusan sepanjang dia menempuhi ujian tersebut. Sebagaimana firman Allah dalam Surah az-Zumar ayat 10:

قُلْ يَاعِبَادِ الَّذِينَ ءَامَنُوا اتَّقُوا رَبَّكُمْ لِلَّذِينَ أَحْسَنُوا فِي هَذِهِ الدُّنْيَا حَسَنَةٌ وَأَرْضُ اللَّهِ وَاسِعَةٌ

إِنَّمَا يُوفَّى الصَّابِرُونَ أَجْرَهُمْ بِغَيْرِ حِسَابٍ ﴿١٧﴾

Maksudnya: “Katakanlah: Hai hamba-hambaKu yang beriman. Bertakwalah kepada Tuhanmu. Orang-orang yang berbuat baik di dunia ini memperoleh kebaikan. Dan bumi Allah itu adalah luas. Sesungguhnya hanya orang-orang yang bersabarlah yang akan dicukupkan pahala mereka tanpa batasan”.

Oleh itu, amat beruntunglah jika kita bersabar dengan ujian yang diberikan oleh Allah سُبْحَانَهُ وَتَعَالَى. Sabar mempunyai tiga jenis iaitu sabar dalam melakukan ketaatan, sabar dalam meninggalkan larangan Allah dan sabar menghadapi musibah. Sabar ketika marah agak sukar dilakukan oleh sebahagian daripada kita, ya marah itu daripada syaitan. Buktinya jika kita lihat, banyak kes jenayah berlaku berpunca dari sifat marah.

Sifat marah boleh menyebabkan kita membunuh saudara dan rakan sendiri. Hal ini kerana, marah merupakan senjata syaitan yang paling tajam. Oleh itu, Rasulullah صَلَّى اللَّهُ عَلَيْهِ وَسَلَّمَ telah berpesan kepada umatnya mengenai sifat marah ini.

Berdasarkan hadis nabi Muhammad صَلَّى اللَّهُ عَلَيْهِ وَسَلَّمَ ada seorang lelaki yang meminta kepadanya agar diberikan nasihat. Baginda bersabda “Jangan marah”. Maka lelaki tersebut mengulangi permintaannya tadi beberapa kali. Nabi menjawab: “Janganlah marah”.

(Hadis Riwayat Al-Bukhari)

Disebabkan itulah, Islam memberi beberapa cara kepada umatnya bagi meredakan perasaan marah ini iaitu dengan mengambil wuduk, mengubah tempat duduk, jika berdiri hendaklah ia duduk, jika duduk hendaklah ia berbaring, beristighfar dan seterusnya ialah berdiam diri. Ini kerana, ketika kita marah, lidah akan berpotensi mengeluarkan kata-kata kesat dan melukakan hati orang lain. Diam adalah cara terbaik bagi mengelakkan pergaduhan dan pertikaman lidah.

Antara ganjaran kedua bagi orang yang bersabar dalam menghadapi ujian ialah Allah mengampunkan dosa-dosanya. Berdasarkan hadis Qudsi riwayat Syaddad bin Aus رضي الله عنه bahawasanya Nabi صَلَّى اللَّهُ عَلَيْهِ وَسَلَّمَ bersabda maksudnya: Allah telah berfirman:

“Sekiranya Aku uji salah seorang hambaKu yang mukmin, lalu ia memuji Ku seraya bersabar atas (penderitaan) apa yang aku mengujinya. Maka ia akan bangun dari tempat pembaringannya, bagaikan anak yang baru dilahirkan oleh ibunya, bersih dari dosa. Lantas Tuhan akan memerintahkan malaikat pencatat amal: Sesungguhnya Aku telah menahan hambaKu ini dan Aku telah mengujinya, maka kini catatkanlah baginya apa yang kamu selalu catatkan sebelum itu dari pahala-pahala amalannya”

(Hadis Riwayat Ahmad).

JEMAAH YANG DIKASIHI SEKALIAN,

Kita hendaklah bersama-sama bersyukur jika diuji dengan sesuatu yang amat berat untuk kita tempuhi. Allah menurunkan ujian kerana sayang akan hamba-hambanya dan sebagai kafarah iaitu penghapusan dosa yang kita lakukan sebelum ini. Ada di antara kita yang sabar hanya pada

permulaan dan gagal untuk mengekalkan sifat tersebut hingga ke hujungnya. Jika Rasulullah berputus asa dalam berdakwah sudah tentulah ajaran Islam tidak sampai kepada kita pada hari ini.

Ganjaran seterusnya bagi orang yang bersabar ialah mendapat keberkatan dan rahmat dari Allah **سُبْحَانَهُ وَتَعَالَى**. Berdasarkan Surah al-Baqarah ayat 156 dan 157:

الَّذِينَ إِذَا أَصَابَتْهُمْ مُصِيبَةٌ قَالُوا إِنَّا لِلَّهِ وَإِنَّا إِلَيْهِ رَاجِعُونَ ﴿١٥٦﴾ أُولَٰئِكَ عَلَيْهِمْ صَلَوَاتٌ مِّن رَّبِّهِمْ وَرَحْمَةٌ ۖ وَأُولَٰئِكَ هُمُ الْمُفْتَتُونَ ﴿١٥٧﴾

Bermaksud: “(Iaitu) orang-orang yang apabila mereka ditimpa oleh sesuatu kesusahan, mereka berkata, "Sesungguhnya kami adalah kepunyaan Allah dan kepada Allah jualah kami kembali". Mereka itu ialah orang-orang yang dilimpahi dengan berbagai-bagai kebaikan dari Tuhan mereka serta rahmatNya, dan mereka itulah orang-orang yang mendapat petunjuk hidayah-Nya.”

Ayat-ayat di atas merupakan kesinambungan dari ayat 155 Surah al-Baqarah. Allah memberikan keistimewaan kepada hamba-hambaNya yang bersabar dengan ujiannya. Rugilah jika kita marah-marah saat diuji. Pasti kita tidak mendapat kelebihan yang dinyatakan dengan jelas dalam Al-Quran bagi orang yang sabar.

Ganjaran yang paling istimewa Allah kurniakan bagi orang yang bersabar ialah mendapat balasan syurga. Berdasarkan hadis Rasulullah **صَلَّى اللَّهُ عَلَيْهِ وَسَلَّمَ** yang diriwayatkan daripada Abu Hurairah **رضي الله عنه**. Sesungguhnya

Rasulullah ﷺ bersabda di dalam Hadis Qudsi: Allah سُبْحَانَهُ وَتَعَالَى berfirman yang maksudnya :

"Tidak ada balasan kecuali syurga bagi hambaku yang beriman yang telah Aku ambil kembali kekasihnya (Aku mematikan seseorang yang disayanginya seperti anak, adik-beradik dan sesiapa sahaja yang di sayangi oleh seseorang) dari kalangan penghuni dunia dan dia hanya mengharapkan pahala daripadaKu (dengan bersabar)."
(Hadis Riwayat Al-Bukhari)

Kehilangan orang yang disayangi merupakan ujian yang berat kepada kita. Oleh itu, kita hendaklah perbanyakkan bersabar dan jangan sesekali menyalahkan takdir atau meratapi kematian orang yang kita sayangi. Berdoalah untuk kebaikan dan kebahagiaan mereka.

MUSLIMIN YANG DIRAHMATI ALLAH,

Sebelum mengakhiri khutbah pertama, marilah kita bersama-sama menadah tangan memohon kepada Allah agar diberikan kesabaran kepada diri kita mahupun masyarakat di luar sana yang sedang menghadapi ujian yang berat. Semoga Allah memberi jalan penyelesaian yang terbaik agar mereka cekat dan teguh dalam menghadapi segala ujian.

Jika ada ahli keluarga mahupun orang lain yang dalam kesusahan sama-samalah kita membantu meringankan beban mereka. Allah akan permudahkan pula urusan kita jika kita permudahkan urusan orang lain.

أَعُوذُ بِاللَّهِ مِنَ الشَّيْطَانِ الرَّجِيمِ
يَا أَيُّهَا الَّذِينَ ءَامَنُوا أَصْبِرُوا وَصَابِرُوا وَرَابِطُوا وَاتَّقُوا اللَّهَ لَعَلَّكُمْ تُفْلِحُونَ ﴿٢٠٠﴾

Maksudnya: “Hai orang-orang yang beriman. Bersabarlah kamu dan kuatkanlah kesabaranmu dan tetaplah bersiap-siaga (diperbatasan negerimu) dan bertakwalah kepada Allah, supaya kamu beruntung”.

(Surah Ali-Imran: 200)

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ، وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ يَا فَوْزَ الْمُسْتَغْفِرِينَ وَيَا نَجَاةَ التَّائِبِينَ.



KHUTBAH KEDUA BULAN DISEMBER

2021M/ 1443H

الْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ النَّبِيِّ الْأَمِينِ، وَعَلَى
آلِهِ وَأَصْحَابِهِ الطَّاهِرِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ تُقَاتِهِ وَاعْلَمُوا أَنَّ اللَّهَ أَمَرَكُمْ بِأَمْرٍ عَظِيمٍ، أَمَرَكُمْ
بِالصَّلَاةِ وَالتَّسْلِيمِ عَلَى نَبِيِّهِ الْكَرِيمِ، فَقَالَ اللَّهُ تَعَالَى: إِنَّ اللَّهَ وَمَلَائِكَتُهُ يُصَلُّونَ عَلَى

النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا
إِبْرَاهِيمَ وَعَلَى آلِ سَيِّدِنَا إِبْرَاهِيمَ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ،
كَمَا بَارَكْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي الْعَالَمِينَ إِنَّكَ حَمِيدٌ
مَجِيدٌ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا وَأَصْلِحْ أَيْمَتَنَا وَوُلَاةَ أُمُورِنَا وَاشْمَلِ اللَّهُمَّ بِعِنَايَتِكَ وَتَوْفِيقِكَ
عَلَى أَصْحَابِ الْجَلَالَةِ،

Kebawah Duli Yang Maha Mulia Seri Paduka Baginda Yang di-
Pertuan Agong, Al-Sultan Abdullah Ri'ayatuddin Al-Mustafa

Billah Shah Ibni Almarhum Sultan Haji Ahmad Shah Al-Musta'in
Billah dan Kebawah Duli Yang Maha Mulia Seri Paduka Baginda
Raja Permaisuri Agong, Tunku Hajah Azizah Aminah Maimunah
Iskandariah Binti Almarhum Al-Mutawakkil Alallah Sultan
Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji
Abdul Razak, Yang di-Pertua Negeri Pulau Pinang.

اللَّهُمَّ اكْشِفْ عَنَّا الْبَلَاءَ وَالْوَبَاءَ وَالْغَلَاءَ وَالْفَحْشَاءَ وَالْمُنْكَرَ وَالْمِحْنَ وَالْفِتْنَ، مَا ظَهَرَ
مِنْهَا وَمَا بَطَنَ، عَن بَلَدِنَا هَذَا خَاصَّةً، وَعَن بُلْدَانِ الْمُسْلِمِينَ عَامَّةً، إِنَّكَ عَلَى كُلِّ
شَيْءٍ قَدِيرٌ.

اللَّهُمَّ إِنَّا نَعُوذُ بِكَ مِنَ الْبَرَصِ، وَالْجُنُونِ، وَالْجُدَامِ، وَمِنْ سَيِّئِ الْأَسْقَامِ، يَا أَرْحَمَ
الرَّاحِمِينَ.

Ya Allah dengan sifat-Mu yang Maha Pemurah dan Maha Mendengar! Kami hamba-Mu yang lemah merayu kepada-Mu agar Engkau angkat dan hilangkan segera wabak penyakit Covid-19 yang sedang melanda kami agar dapat kami melaksanakan syiar-Mu dengan sempurna.

اللَّهُمَّ قَوِّ إِيْمَانَنَا، وَوَحِّدْ صُفُوفَنَا، وَاجْمَعْ قُلُوبَنَا عَلَى مَحَبَّتِكَ وَنُصْرَةِ شَرِيعَتِكَ،
بِرَحْمَتِكَ يَا أَرْحَمَ الرَّاحِمِينَ.

سُبْحَانَ رَبِّكَ رَبِّ الْعِزَّةِ عَمَّا يَصِفُونَ، وَسَلَامٌ عَلَى الْمُرْسَلِينَ، وَالْحَمْدُ لِلَّهِ رَبِّ
الْعَالَمِينَ. ﴿سورة الصافات﴾